

盤
洲
文
集

盤洲文集卷第一

詩四十六首

擬古十三首

行行重行行

行行重行行南北各倦游昔人重別離一日嗟三秋
如何三秋暮相見尚悠悠方寸正紆軫何以寫我憂
仰瞻衡漢移俯對蘭菊遂臭味雖云同光塵若為異
迴風淒且發飄我別時袂欲知長相思披衣不勝體

青青河畔草

青青河畔草英英薤邊菊雅雅當窻女濯濯手如玉

淵淵錦中意，粲粲未盈幅。藁砧天一涯，刀頭誤行卜。
卻鑑怨新眉，誰教遠山綠。

青青陵上栢

青青陵上栢，繡繡庭中竹。人壽能幾何，譬彼電過目。
一觴命睡交，且以慰心曲。駕言長安游，川光晨可掬。
神州何赫戲，高城矗延屬。燒榭干星斗，彫栢錯珠玉。
鱗鱗王公第，華纓夾繡轂。放懷恣槃虞，端憂竟誰逐。

今日良宴會

今日良宴會，朋簪故人家。搖情綠綺琴，度曲漁陽槌。
放歌掀醉髯，晤語粲春葩。列坐各知心，游揚相齒牙。

芬芳須及時東扶忽西斜胡不厲逸翮天津問仙槎
無為甘寂漠痼疾守煙霞

西北有高樓

西北有高樓偃蹇鞅千門綺櫳納飛月璧璫礙翔雲
上有絃歌女哀聲啓鶯唇誰能為此曲無乃返香人
一章三致志脩娥有餘顰不惜饒清響暗驚梁上塵
所悲聽者心中無涇渭分願作南冥鳥夕飲玉池津

涉江采芙蓉

涉江采芙蓉芳蕤蔭幽沚相思不相見芬香欲誰遺
秋容感人心浪浪睫涵淚不如膝上琴哀音入君耳

明月皎夜光

明月皎夜光
瑟瑟扇商籟
衡紀直西躔
雲章斜左界
感彼林薄凋
歲律倏云邁
蜻蛚誰汝憐
悽悽鳴戶外
昔我耐久朋
着鞭道方泰
尉藉繒縞輕
金蘭舊盟改
東井不及泉
湏女無儔配
君看貢公綦
白頭媿傾蓋

冉冉孤生竹

冉冉孤生竹
成陰幽谷中
聿來君子室
葛藟施喬松
喬松千百尋
攀附猶可窮
思君江水深
褰裳難往從
同心而偏棲
媿彼摩霄鴻
灼灼芙蓉花
凌波媚芳風
非不努力愛
秋至無歸鴻
昔盟倘不寒
誰歎久西東

庭前有奇樹

庭前有奇樹黃鳥巢其枝之子不顧返失此熙春期
采采未盈劑夕風已紛披路遠悵莫致雖多亦奚為

迢迢牽牛星

迢迢牽牛星奕奕停梭女尋盟整瑤轡緘情遵漢者
欣讌未斯頹別愁眉已度黃月不我留殘機忍重顧
翻羨巫山雲朝朝楚王遇

人生不滿百

人生不滿百蟪蛄等春秋花月多風雨何不蠟屐游
朱光忽以馳退舍未易留生前一杯樂難與昧者謀

臨流羨芳沚歡言泛輕舟

孟冬寒氣至

孟冬寒氣至衝風一何厲宿楚失故陰思蟲柱上哀
喙客來門冬冬袖有尺書遺一讀淚先零再讀心已
醉妾如初開花君如長流水花挽水回難水捐花去
易流水何時休春榮難久恃

明月何皎皎

明月何皎皎舒光瑩窻綺宛轉羞空床披軒步庭際
故愛同一心新愁今兩耳咫尺相會難苦若千里
况復千里隔憂端無窮已

謝洪慶善提刑遺法帖

紛紛渴驥競秋蛇
鑄鏡收拾俱名家
吾宗尺牘擅天
下年來野鷺誰
肩差庭前書帶
凝寒綠架上牙
籤富新軸中藏
墨妙更奇奇長
物不白沾牘馥
生平小楷拘蠅
頭豈知蠶尾與
銀鈎從今已辦
筆成塚學奇還
許登門不

春思

自聞郊外景多病
負年光沐雨桃容
賦耽春蝶興狂
幽期知我背遲日
為誰長一枕虛
窓寂爐煙續舊香

晚望

古堞高亭暮登臨
遠眺特菊房
樓渥露荷蓋
偃清漪
遵渚歸鴻集
投林嘯狄悲
閑情聊繪句
獨立自遲遲

欲雨

雨意世琴床
挑笙驟覺涼
衝飈方賈勇
蒸景荐韜光
去室憐鳩婦
封閭看蟻王
青燈可吾伴
黃卷任更長

客至

閉閤聽剥啄
有客欵蓬蒿
譚墨萬人敵
詞源八月濤
園蔬供菜甲
盤寶釵桃毛
冷淡琴書味
由來屬我曹

秋懷二首

送喜得新涼
秋情未愁忘
弱枝紅斂重
平野碧滋長

林迴蟬初亂籬疎菊自芳吟成轉蕭瑟徑醉任蒼蒼
愁緒苦縈人寒蟄始叵聞瓜疇殘蔓去蘭畹秀蕤薰
遠水涵秋態餘霞冠夕曛揚揚今夜月獨與廣庭分

送人之姑蘇

吳門千里役別話不堪聞暫發參商歎長懷星斗文
菊叢黃彩亂槐路綠行分日與書郵至冥鴻接暮雲

送吳傳朋知盱眙

龜山其下古淮濡上駟駸駸穩着鞭千里八年間皂
蓋九重一旦下青氍名郎他日曾趨禁靜鎮今朝疊

典邊簪筆侍書公雅意薰風殿閣待誠懸

方福州生日行

雪峯高高雪如許海門潮生浪吞浦郎罷携团街西
東到處歡然聞好語舊日大官多養高民詞獄寄充
官曹橫行阡陌喧夜鼓唯征關市柝秋豪只今事事
無長蠹五月政成歌召父尺一方來問鳳儀魁三快
刷聯駕羽三山岌業摩曾空便是方丈蓬瀛中他年
圖畫凌煙了却向山中訪赤松

謝唐守送朱櫻二絕句

鈴齋一樹滴堦春翻走髮盤贈野人欲進趨生呼伯
雅却無樊素啓丹唇

孔酪醜甜僻邵無多酸梅子豈吾徒香擎翠籠青冥
出舊事從誰說上都

荅林神童

快觀終童英妙時蚩然銜袖出明璣家聲不詫大哉
問文律何愁知者希益利鋒銍臨大敵養成羽翼看
高飛紅塵可厭忙車馬挹取西山爽氣歸

海棠花二絕句

雨濯吳粧曠風催蜀錦裁自嫌生較晚不得聘寒梅

金城記黎奉常云欲令梅聘海棠張子臣櫻桃及以
芥核笋但恨時不同然牡丹除藤楊梅把盡為友

鴨殼非難致較胎業已成夜深寧覓睡相照月偏明

張寶就印錄寶使子弟常巡市乞取鴿鴨卵殼雞卵
以煮藥鴨卵以金絲織海棠花名較胎蓋醉後畏酒
用之多

瑞香花

寂寂香毬次第開結根幽獨謝紛埃
芙蓉妬入鴛鴦社異馥清傳錦繡堆
睡裏魂交非自行醒時心賞可
無猜品題盍在春林石不是花王喜後來

題信州吳傳朋郎中游絲書

上饒此俗醇且古千室鳴弦方按堵
黃堂文人今循良河南治平追鼻祖
訟棠苗景分清陰爐篆方羊燕
寢深笑談了却邦人事遊戲翰墨
惟書林自從真行

易篆隸草聖書絕馳極攀游雲驚龍初振奇渴驥怒
視爭作勢臣中第一茲謂誰寥寥典則其幾希文人
尺牘妙天下感去收拾生光輝作古要須從我始直
欲名家自成體手追心摹前無人一掃塵踪有新意
縱橫經緯生胸中落紙便與游絲同縹緲繭車飛白
雪織簷蛛網破清風一行一筆相聯屬姿態規撫駭
凡目臨池漫勞三十年千兔從教後人禿舊間呂向
連錦書百字環寫紫髮如惜哉洪日已無考盍使北
面稱臺輿獨步不復名相甲端恨二王無此法只今
四海書同文使者來求至將押

雪詩用晁無咎韻

密雪舞冬晝祁寒反夏炎竹枝低未濕梅萼瑩光霑
怯冷昂肩立欣繁矯首瞻隨風方北渡際海必東漸
軒簸來如慘續紛勢轉巖枯荇新點綴曲砌巧增添
伺隙花穿戶承隅著挿簷高飛迷皎鶴夜影逼清蟾
砧淨銷橫石牕虛粉雜匳岷丘千瑩碎武庫五兵銛
煙徑楊吹絮香蹊蝶奮髯鯨鯢陸骨腐鴟鷺野翎爛
白髮秦人逃瓦眉漢尉潛漬蠶功孰及平地瑞初占
窖卧行人節門局志士恬已甘穿履肉奚避割臙嫌
醉慕雙螯畢寒懷五絳廉飄飄疑定刻畫謝無鹽

河閣凝新浪峯高失舊尖山陰賓欲返淮右寇將殲
穆滿三章著宣溫五板兼君恩捐衛粟天意絕齊店
江上羨堪盡籬間斃可覘客觀眸已眩兒咀手頻拈
足沒尋壹屐腰閑刈藿鎌馬馳毛愈素烏啄首難黔
凍折騷人筆光臨織婦憺螟牟寧待火疫癘詎煩砭
甲長寒蔬細根肥宿麥纖年豐雖欲頌神助愧江淹
前韻雖險用之未盡掇其餘復成三百言

一苦寒威重清晨雨脚霏嚴風號宇宙霏雪下閭閻
布地鹽初撒穿帷粉乍黏裴回輕點袖縈積滿盈檐
騁巧飄雖急乘危勢或沾梨花芳小圃桂魄射疎簾

煙濕茶翁竈竿低酒舍帘清泉埋沼止蒼幹聳鞭柵
玉匣齊君履銀封魯國磨盆收新琢璧塔展未裁縑
木杪疑飛絮江干雜秀蕪正隨雲陣合未放日光暹
處壯山屠虎高興澤殫蚡重嶽聞折木遠野絕飛鷄
隼擊翎添厲鱗藏口敢噉狼隨姬滿駕鵲集叔才苦

投簡詞臣敏乘車海若謙漢傳王母絳周貢曠

丘儉切

山甜王峻師方整高昌衆欲燔漢光開帝業蘇烈貫
兵鈴豹曳荆人鳥牙抽孫子籤膚寒方起粟手坼正
憂癩挾纈冬裘燠傾壘夜飲厭寒光欺寶鑑素質奪
朱綬犬喜蹄方逞兒餐舌未霜梅林催皚皚麥壠長

蕪蕪置兔難探穴，又魚已漑鷺鳩蹲。飢愈噪馬縮凍，
難拊見覲將消釋。歌詩興佞儉，妍辭慚謝客。詎敢示
群食。

用雪詩韻謝三外弟見知

我昔樵李寓君方，錫山潛欲馳咫尺。書駛足無飛廉，
相望參與商。引首徒遐瞻，竭來萍梗踪。遠野得茆簷，
獲與譚壘接。何詢龜筮占青山，整烟鬢。澄波開鑑奩，
喬松與恠柏如虬。老龍髯悠然一望間，野色皆可覘。
范輒飛埃塵墨突，寒不黔。好友豈厭頻，難黍供炊爨。
外家三遺珠，穎脫皆囊尖。交情謝流俗，不問涼及炎。

着鞭挹清風從者屢我淹高論極根源師友識所漸
大畧推治忽細談析毫纖皮裏有陽秋褒貶追齊殲
古稱學如殖秋成觀執鎌吾匪董夫子家居下帷幄
言經雖敗績寧防整冠嫌抽軋強成章句鄙不任拈
散散且艱澁疵瑕費鍼砭君詩粲珠琲光焰古人兼
詎覆偕父酒不道胡兒盍陳檄愈頁疾杜詞逐寒疝
輕縑邊幅富健筆鋒銛銛語句既適麗格律何森嚴
我窮思已竭君方涌泉添三峽爭倒流未肯波瀾恬
短才愧非正尚期膏馥沾吟罷覺夜永明窓耿孤蟾

讀秦本紀

應侯一語幽宣后長信蒙辜徒黃陽秦室無親類
梟燒借箕許語亦其常

侯生

淮陰束手九江關誰信功成頰舌間
不惜鴻溝分二國太公今日得生還

楚懷王

武關謀詐却稱臣冤魄游魂尚在秦
墓木蕭條冢猶濕沅聞其子作昏姻

讀戰國史

折足黥徒未易欺箒中死士亦何為
魏齊斷首龐涓

死禍報由來不可知

讀召公世家

齊晉瓜分四國王嬴秦為呂芊為黃六雄當日皆新
主獨有甘棠澤未亡

穰侯

推轂曾聞薦武安威伸三晉走荆蠻廁中犬彘圖穰
奪猶道藏兵不出閔

田單

齊主輕忘在莒時解裘溜水遽相疑若無貂勃明勲
業幾使功臣枉見夷

長平

一敗長平振古無趙邦臣主亦何愚當時已中馮亭
計猶有區區遣鄭朱

春申君

珠履三千盡在門爭無國士解銜恩棘門難作無遺
類死黨寧間報李園

題陳體仁判官休齋

翔纓彩組盍中留綠水芙蓉且漫遊過耳從教千不
是處心渾欲一宜休爐中異馥非多愛架上新籤弗
外求寂寂掩扉無所事飽聽風竹韻涼秋

次韻陳體仁惠詩并示遊山詩卷

人生名利場羈絆無休假期沉迷雁鷺行夢寐雞豚社
見謂遊子欺更防官長罵何如山中樂松牕肆嘉話
陳侯青雲客英聲蜚日下當年金馬門掉鞅示間暇
小試芙蓉池未整驪駒駕台嶽十日行摻蘿若相迓
來歸探古囊篇篇可圖畫傾耳金石聲鄭衛敢爭霸
次韻李舉之縣丞秋日偶成

當年使節反穹廬解綬歸來得少娛底事微官又紫
縛強顏文墨受意烏

朝來傾耳得街談頗說塵容亦可慙從事未知三尺

守醉心空向六經酣

宦途陸々未回車秋桂春蘿總負渠目送飛鴻千里
去故山應草絕交書

筆底淵源萬頃多卷中句法不隨波覃思正作青雲
計寡和聊成日雪歌

次韻題謝景思少卿藥寮

壯歲揮金邁二疎眼看餘子伏鹽車芷蘭清馥渾級
佩芝朮新苗幾荷鋤剝作好詩傳近體誰言巧宦勝
閑居北牕睡起琴聲寂便若身登太皞墟

盤洲文集卷第一
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

盤洲文集卷第二

詩七十一

蔡瞻明寺丞有詩見簡次其韻

漱芳傾液飽心胸久矣高名在郢中
遂請叢祠方養氣卜居蕭寺且談空
結交許入芝蘭室招隱何須桑
芋翁妙語鼎來驚創見益慚白豕過河東

酬李舉之

象載凝筆落筆工一時英妙盡居中
交情耐久惟同味詩意求新更鑿空
揮麈寧談阿堵物聯珠不數嘯
需翁文成間被雞林得復有聲名到海東

次韻曹功顯都承賞梅

紛紛凡卉怯嚴冬，獨有清姿對雪中。
拂幌更宜粧嫵媚，巡簷誰憚履穿空。
南來未見傳聲使，東望方思避俗翁。
聞道睽鑣得幽趣，無因同醉玉西東。

次韻李舉之立春四絕句

東皇先遣雪清塵，一夜山川界眼新。
共喜太平今有象，更將歌舞為迎春。

三冬文史總空虛，獨有施行寬大書。
坐對南牆千箇竹，何妨苜蓿客煮園蔬。

雪後疎梅正壓枝，春來朝日已暉々。
癡兒公事何特

了一醉花前心似飛

他鄉春日思如何屏去茶甌任睡魔且得小窓成好
夢片時江上逐煙蓑

次韻蔡瞻明惜花五絕句

底事春愁減玉肌誰能懶髓為扶衰可憐傍嶽臨池
處非復嫣然一笑時

無情誰似東風薄相見那思雪夜初欲把紅顏借爽
杏便教枝上白紛如

月地雲堦滿意開牽花準擬尚裴回抗瓊解佩已仙
去駭綠紛紅徒後來

盤洲二
試因子墨賦瓌姿獨記朝容在一披著粉直嫌粧太
白只今何似夢中時

一聲橫笛曉林空知是春風十日東來歲花時在何
處探芳還有幾人同

陳體仁以心清聞妙香作詩惠末利花香次
韻為謝

塵勞昏獨志祿利蠹良心掃地香一爐澹然清興深
假寐頃刻間煙霏盈襟睽翩珊瑚鈎逼人何駸駸
東風將小雨一夕池中平春深在疎竹琅々有餘清
公退遠世氛心地莫與京寶薰凝窓牖為君尋鷗盟

臯觀拜嘉况名香如前聞塵容方一洗蒸思期三薰
久坐欣有得飄飄欲陵雲都良與迷迭芳馨此其分
英々末利花素蕤馥清曉誰將煮水沉採擷得竒妙
吾非范蔚宗品題能了了雜佩媿報酬蕪音發嘲笑
春日紫宸朝合殿縈天香玉筍繁風采雞舌相芬芳
陳侯金閨彥指期筵鶴行安能久鬱々俛首回剛腸
偶得梅一種疎枝清香附萼之花五出與江
梅無異但花色微紅而五出之上復有一重
或十葉或九葉他日皆並蒂雙實俗呼為鴛
鴦梅昔上林有趙昭儀所值同心梅疑即此

也因成四絕

却月凌風一種香更勻粉面作紅粧枝頭自結鴛鴦
社為倩東風謝海棠

重々香蕩故多情索笑初聞帶薄醒翻恨前村雪深
處一枝幽獨太慙生

客子逢花心欲灰異方初見眼還開故應臨水橫斜
日曾作于飛一念來

開花已作鴛鴦侶著子還成鴻雁行舊日同心上林
種至今十載亦流芳

次韻蔡瞻明登中山三絕句

朝來爽氣冠曾丘，急雨驚風正麥秋。要得雲軒聊放
目，何妨松徑暫低頭。
名疆局促祇懷慚，飄忽熙春月過三。矯首白雲千里
外，此心無日不江南。
好句睽翻見，未曾品題今日欠。鍾嶸登臨自有江山
助，豈是胸中不得平。

得二弟消息

倚欄春晝靜，花柳自芳香。消息三州遠，塵埃兩地忙。
鶻聲傳近喜，鴻影憶初行。抄得新書策，歸時補墨莊。
次韻李舉之風雨中書事四絕句

掛壁鳴琴久斷絃
強反書帙本相便
詞源願我非流
峽慕思如君已挾天

雨勢風聲何太雄
群山峇響亂賁鏞
青奴今夕安用
汝玉友此時箇得儂

怒號通夕攪空虛
好夢那能到玉除
枕上泰然無一
念只愁雨滴架中書

向曉登樓凭小欄
蕭然歸興在江干
癡兒未了公家
事且把雲山子細看

次韻蔡瞻明秋園五絕句

芥毛金瓜勇難干
肯作霜花對乍寒
若說乘軒有癡

鶴司晨如此合我冠

雞冠

翔似當年覺德輝傳芳花品未思歸晚來霧鬢凭軒
處直恐金翹相對飛

金鳳

澤蘭萱草比多言謂汝分陰久奪鮮疏恐淇園修竹
勁不如秦嶺老松堅

芭蕉

高標幽艷自宜霜弱草繁葩莫中傷肯與紅蓮媚三
夏要同黃菊向重陽

芙蓉

臨風裊露早秋天範出南金色更鮮若向東籬比標
格定知花市不言錢

宿佛窟寺

藍輿登佛窟高閣望中清古木爾許蔭飛泉無恨聲
雨消今日暑雲作晚來晴獨對青山久相逢如有情

過瑞巖寺示勝上人

空照禪師嘗坐一石長
喚主人公自云諾惺々

巖

他後莫受人瞞時有瑞氣金輝映燭
巖下因以名巖而號其石曰惺々石

逗曉亂山中來尋古佛宮荷間苗夜雨松下進秋風
瑞氣舊如許巖姿今亦同惺々有盤石應記主人公

惺惺石

簿領久沉迷誰能不忍欺我來慙此石拈出問吾師

滴滴泉

石罅來泉滴松風雜間聲天明有公事還憶此時清

題靈石寺并簡景思

聞道飛來石當年却畔亡煙杉行

行列之行

客路風竹護

禪房有酒對玉塵無詩夸錦囊塵纓自羈束真賞負
山光

夜飲藥寮次景思韻

主人知我樂郊居藥圃嘉招走尺書笑語池邊欣促
席醉歸林下却

却去之

肩輿正聞鴈過後啼後更是風
清月白初見說長安消息近却頭高興謝鱸魚

題景思水芝亭

白蓮一名水芝

遠意闊千雲亭幽不受塵來為池上客本是社中人

影密龜魚蔭花開鷗鷺 買山如遂志應許卜比隣

黃巖道中

兩日黃巖縣紛然百慮侵乍聽幽鳥語復起故園心
冒熱度峻嶺憚勞休茂林潮來知海近三島可能尋
過妙緣寺聽懷上人琴

斷澗復危岑紅塵且滿襟疾驅觸炎熱小憩得禪林
煮茗對清話弄琴知好音秋風不借便去轍已駸々
行縣道中寄曾鉉父

雲山初見非昔遊一瞬不許回雙眸二年佐州已強
半七月行縣難罷休濺々微滴響縈谷蕝々多稼光

盈疇兵厨願留一罇酒霜螿醉嚼期中秋

登寧和嶺

嶺屬寧安

初識寧和嶺有懷占夢時聞詩千里隔斷織九京悲
草木應相記煙雲渾異且西風襲懷抱淚睫不勝垂

懷孫邦求

酒開桑落泛觥觥行子驅車恨不啻鴈塔自是文人
行麟臺更叅儒者流官居二年有十月別思一日真
三秋冰輪今已可人意何時來賞城東樓

宿大龍山寺贈海上人

看山論舊事拂石認前題雨滑苔徑阻雲收松嶠迷

三秋文豹隱一夜寒蟄啼又復問程去清遊懷虎溪
大龍山五詠用家君所和胡別駕韻

經藏

萬法俱一空忘筌亦忘字勿置齒牙間回觀方寸地

龍祠

夾日授五飛論功中興主

龍父有五子建炎末護行幸有功皆封侯賜廟額

宛々龍父尊茲山職霖雨

密室

小室坐蒲團死灰念不作所以護明珠精修企先覺

小池

山椒有龍湫清泉日夜流
疏巖作方沼漱甘非外求

湯爐

懈眼候松風雲腴挾霜月
爐下豈常炎灰飛即煙滅

懷李氏昆弟二十韻

城南兩佳士英躔名碑砢
相之妙才具玉筍班中闕
胡為影長纓去々事輓軌
舉之登詞壇龍虎榜未揭
歸循南陔蘭不使芳馥歇
胷中蟠五車一一思英發
有中清廟瑟審聲知度越
我來貳銀菟接袂俱墨髮
情期膠漆堅門受車馬
謁筆陣幾鏖戰君盈我先竭
別來勤相思十日倏飄忽
遲明蒙囂塵畢景邁嶠嶭

躋高怯肩輿挹秀欣拄笏泉清甘著齒巖幽冷縈骨
西風勇波瀾極望際溟渤是中三神山縹緲雲出沒
問津舊乘槎引舟今捨筏俛首傾縹瓷獨醉徑兀々
起看天宇開詩成走郵卒歸欵及中秋高樓共嘉月

宿廣潤寺書倫上人靈雲庵

靈雲禪師因堯花悟道有偈曰

三十年來尋劍客幾逢落葉幾抽枝
自從一見堯花後直至如今更不疑

寶地深々俯碧潭有僧酌茶延我談十巖狀秀躡風
磴萬竹含翠藏雲庵西來指柏本無著一見悟堯須
再叅登臨已是秋欲半霜葉枝頭纔兩三

摘星嶺

披山鑿道何嶮巖上摘星漢摩紅霓七袞終日往曾
問一握去天今可躋此馭已排蘿蔓去下車不復烟
雲迷舉頭此際長安遠願借六翮凌丹梯

交翠亭

政和丙申家君主寧海薄明年作交翠
亭是秋而某生後二十有八年某來貳郡
事踰年行縣至此感舊懷遠賦詩二章

三十年中事鸞樓築小亭寒聲長新籜清闕拂疎樞
水轉前時綠山濃遠處青重來勤問訊此別記秋螢

三瑞堂

久矣馳魂夢今登三瑞堂故山有喬木近事話甘棠
展驥慚克位占熊憶問祥白雲苗未去極望是吾鄉

留別縣僚

滿城鼓吹出林垌珍重來思此日情共說棲鸞苗政
迹自憐展驥掾家聲一時宦侶推儒雅百里民編樂
治平山意川容若相挽不堪整駕問歸程

過梁王寺書

家君祠堂

舊有道流妄引地
記乞廢寺為宮外

臺下其事於州下之縣家
君時攝邑事力為辯明乃寢

生還未列麒麟畫舊德猶懷鸞鳳棲共問翰林今孰
似凜然眉宇染風墜

山行遇雨

天公作意轟雷霆風雨驟至如神兵翻手為雲只俄頃舉頭見日尤精明蟻君一戰方奏凱鳩婦復還已和鳴稅駕欲投佳處所林間隱々疎鐘聲

蔡瞻明 詩還行邑鄙卷次韻謝之

涼秋野趣已蕭騷方駕看山念我曹十日空歸才每下一篇來況曲弥高詞華若我慚雌霓筆力惟公掣巨鼈欲作歌詩興協律清朝今日有王褒

酬李舉之用前韻見寄

閱盡千峯不憚勞歸來文墨厭官曹浮槎問漢秋期

近埋劍衝星夜氣高那復精思如吐鳳初無壯志欲
乘鸞詩壇軒輊歸題品濫得陽秋一字褒

褒字詩已得十二章請各賦其一以足巨鸞
紛紛吏道誇吹毛未肯留心效此曹象齒好辭降二
妙鱸魚歸思羨三馬吟毫未禿一千兔詩軸須聯十
五鰲敢道嚴霜起中夏益知趣韻有龍褒

次韻蔡瞻明木犀八絕句

誰為花玉定等差清芬端合佩金犀上林他日移根
去應記詩仙綵筆題

香清為借三秋露

禁五日風俯對猗蘭振寒

綠靜看飛葉墮輕紅

風流直欲占秋光葉底深藏粟藥黃共道幽香聞十

里絕知芳譽亘千鄉

此花亦名十里香

笑含菊彩媚踈籬巧作葵粧旁曲池顏色從他矜速
肖芬馨如此孰爭馳

心稟犀文饒地力體薰蟾影奪天香圖形好命丹青
手締句須煩錦繡腸

廣寒秋桂映天池休說當年折得時韻勝今逢巖下
種價高寧新橐中資

纂鬢新枝立晚晴淡粧異馥稱雙清夢魂不記前來

盤洲

事愁逐江潮日日平

黃絹家聲映古今隨和發彩驚詞林高樓宴坐清商

晚獨向此花垂意深

盤洲文集卷第二

盤洲文集卷第二

盤洲文集卷第三

詩五十一首

次韻李相之觀溪漲二首

愁霖方注射駭浪忽衝斜宿鳥行驚鴈遊魚目失蝦
夕波奔折木春漲過堯花涕渭今如此誰乘犯斗槎
風聲隨雨急水勢滿川黃巨艦困澎湃窮閭悲混茫
為魚懷維汭捷竹謝宣防共徯陰雲卷水輪替戾岡
次韻酬丁致遠司戶

翰墨場中識面初珠璣粲々似相如盍參多士登臺
省却掾諸曹親簿書白社不妨閑泚筆赤城更好命

中車寸心淚汨方茅塞快讀新詩得翦除

次韻蔡瞻明江樓秋晚二首

斜照穿林迥歸雲歛岫遲蝸文寒壁篆蛛巧暮簷
待月是愁處對山無倦時掀髯阻談綺細讀寄來詩
竹外秋風急樓頭夕靄微遣懷須命酒怯冷幾更衣
巖鼓縈城去輕舟劈浪歸登臨多少意墜葉滿庭飛

九日官舍種竹

獨整陳編對北窓烟雲渾欲助淒涼庭前且使竹交
翠籬下從他菊自黃遠宦只今同旅泊壯懷誰復問
行藏携壺已失登臨便不待微吟恨夕陽

天台道中

灘聲因雨急山勢向雲斜
橋綠誰能盡楓丹遠似花
春鋤懷淺水郭索上寒沙
漸聽鳴梭近林中三數家

赤城

平生幾讀輿公賦今日霞標對赤城
此是南門入山路山祇乞我一番晴

玉京洞

聽輪曾此宅靈仙洞府今
稱第六天規往不辭蘿蔓
險回看雲物起瓊田

國清寺

紺宇今方盛名知國已清

李邕寺記云智者嘗夢定光曰寺若成國必清因以

名萬松九里影雙澗四時聲

賈島云山門九里松圖經云五峰回合雙澗紫

抱天下四絕之寺

杖策將窮覽巾車不計程登堂山更好人

去曉猿鳴

光老作更好堂方成而有旨移住靈隱時文室未有繼之者

清音亭

久坐俯潺湲流清詩思慳跳珠鳴蘚石淙玉下松關
此日耳塵靜幾人心地閑抽琴作新曲歸去要怡顏

禪林寺

振策快秋晴伽藍倚翠屏看雲不留瞬對竹已忘形
銀地聲千載虹橋拱百靈至今鐘磬響如講淨名經

智者始至佛隴定光指此曰而峰金地我所居北峰
銀地尔宜居之後講淨名經陳郡袁子雄見堂前有
瑠璃山梵僧數十
擎香跨虹橋而未

山中阻雨欲登華頂峯而不果

昔聞天台山一萬八千丈層峯目華頂魂夢幾馳想
竭來乘清秋明發將獨往小雨巧作難祥雲約仍爽
風磴漬苔蘚霜崖亂榛莽崢嶸一何峻梯空不可上
便思捐竹輿徐行倩藤杖老僧挹而言茲山韜萬象
舉頭天宇逼寓目巖扉敞重溟倒寒影萬壑振幽響
峽迫啼猿猿林高隕楹橡仙袂挹浮丘飄然頓塵網
今茲風雨時烟霧接穹壤勁寒或薄人跬步迷俯仰

不知遊石梁重來事真賞斯言旣纒々誠哉非吾誑
俗駕為之回蕪音不堪榜寄聲山中靈心期空鞅々

石橋

懸磴跨幽崖奔流漱深壑宛然臥蒼龍天巧謝錫鑿
萬木森前山笙竽真籟作長嘯斥猩揉來巢怖烏鵲
莓苔助危梁下瞰心膽落橫前限翠屏峭壁旁如削
於此判塵凡只尺遂綿邈飛錫躡空虛樓臺變林薄
寶輝覲華燈金翰過神雀二年佐銅虎渠能解羈絡
烹紫雲腴寒甌散葩萼竒事訂前聞詩成識層閣

雨中宿萬年寺

夢回深夜耿秋燈泉竇爭流一味清過鴈不聞天外
影寒松長送枕邊聲餐風可但久無籟急雨那能使
寢行已問瓊臺雙闕路此心何必羨層城

閑上人覽衆亭

籃輿行盡白雲層來款禪居得小亭亂石引泉歸曲
澗寒風吹雨過中庭四旁野色朝昏別一覽巖姿遠
近青宴坐蒲團作何想光陰不復問堯莫

賀子忱吏部抱膝庵

主人蚤歲抽華簪隱居時作梁父吟于今松牕在人
境空有蕙帳苗烟岑風來翠篠自搖玉秋着黃花仍

散金拂拭塵埃記行後興來命酒還孤斟

桐栢觀

屹然雙闕峙瓊臺仰見彤雲郁々開三井窮源知海

眼六符垂象應天台

徐靈府天台山記曰山上應三

有投綸其間綸尽而不及底或云海

松杉蒲道欣初

眼其一今塞俗云女人濯手而然
過芝朮何年得自培更聽鳴泉雜風籟直疑笙鶴紫

霄來

衆妙臺

臺有八校柱司馬子微
朱添書三靜道德經

白雲仙蹟紀琅函三體丹書寶翠嵐欲問仕塗今捷

徑不須高價借終南

石道士妙聲堂

泉溜古今同臨流萬慮空採芝歸絕嶂添竹映疎叢
影漾高秋月聲宜深夜風真清長在耳何用撫孤桐

仙壇院

王子晉壇所

舊聞王子晉雲卧夜吹笙控鶴冲天去松風千古聲

天台觀

芝田環拱碧崔嵬流瀑高從天際來飛沫有風長是
雪寒聲無日不如雷巖前八桂人誰折溪畔千莖路
未開便覺仙都清晝永翻愁歸路染黃埃

劉阮洞

堯花當日未成蹊只有幽禽語翠微楚峽行雲空入
夢秦臺鳴鳳要同飛仙家長若三春好人境何知萬
事非訪問丘園荒舊迹却應回首悔來歸

贈護國昌老

緩轡到禪扃高談得細聽茗花泛輕椀煙篆度虛櫺
門外雲千軒中水一銚我來無好語箇此待丹青
慈雲祖老相邀至悠然閣倦不克往

幾日陟雲煙危峯懶着鞭聊將臨別意為我謝悠然

明巖寺

路轉霞標外雲開綬帶前幾層山底屋一線竹間泉

洞口石孤聳巖頭峯倒懸故應風雨際行子總回鞭

臨海記云寒山有石室前有立石參差如侍衛者志五色遠望似綬古今相傳為綬帶山

寒巖寺

峭壁插青冥層巖覆花城空中清磬發幽處慧燈明
萬瓦足雲氣四簷無雨聲豐干不饒舌此地孰知名

寧國寺

幾日山南北端期汗漫遊水痕秋雨過竹色曉烟收
宦海何時了僧房為少留却尋歸去路餘興謾回眸

曉發秦安驛

秋夢不能曉起行山徑迷小車驚宿鷺列炬誤鳴雞

冷覺霜華重光瞻斗柄低金庭有佳處芳桂想幽棲

以糟螯送曾守

太湖九月霜波寒郭索不幸逢漁蠻誰令骨醉糟丘
裏使我涎流書卷間黃堂丈人思幼玉耳邊不復親
絲竹一杯聊使破顏愁要遣詩情踵山谷

得景嚴弟書

往年同入洛此日各監州慣見浮雲改相思野水流
有書將遠意何處話新愁莫為癡兒事乾螢滿案頭

夢中送妙興寺僧

紹興十六年十月二十五
夜夢息擔山中獨遊旁近

處至妙興寺欲回阻雨寺僧西指云是方霞
彩如此少頃必開霽田家常以為占而東顧

疑陰雨下如注寺前高山樵徑中水爭下流
予因並山而南復東折有橋長可二十許文
自深澗聳立巨松每五七步必夾橋蜿蜒枝
榦俯就橋上若龍然謂之盤龍橋直東至所
憇處時有一僧自妙異相從欲先去口占一
詩送之既覺復夢携家登陸日既高而兒曹
尚告未辦家君命趣之見內子方植柳而董
氏妹解篋投予衣遂侍家君借景嚴景廬弟
步尋近境至一橋畔指西隅有小寺欲往予
視所取道頗協向所經行因話前夢而二弟
告予此妙緣寺也欲度橋而雨復作予輩欲
輟行而家君強之使往疑若彼寺有先世棄
葬其間者家君杖策命一兵張蓋既登岸予
躡而前斯橋危甚因返頽二弟勿借未至妙
緣而寤欲驗他
日故詳書之

西望霞光東望雲
劃然晴晦此區分
小橋過盡盤龍
險回首高人多謝君

次韻曾宏父探梅未開

梅枝渾待雪山意，漸呼風欲索簷間笑。那憂徑外窮
英辭，窺玉潔，拙句媿雷同。只恐花開日，綸言下法宮。

招曾宏父待雪

欲把詩催雪，先將酒送寒。凍雲方作意，微霰已開端。
目斷鄉城遠，心驚歲事闌。擬同今日醉，待取玉花看。

次韻錢處和運使郡齋晚集

風聲止雨，歲云暮，雪態兼雲。晝欲昏，共喜高軒歸別
墅。肯臨畫戟，對清樽，埋輪前事空豺路。授簡英辭，踵
兔園是處。梅花寢消息，更憑玉蒸為招魂。

遊蓋竹洞

曉出山城故着鞭，荒々寒日滿晴川。
幽棲未卜誅茅地，來興來登蓋竹天。
霜凝詭陰崖，疑積雪雲躋重障。
雜飛烟洞門，今古無關鍵。俗客那能見，列仙

仙居道中

雲霧方瑞騰，雨勢欲凋年。此日信泥軾，來風侵坐氈。
為官渾漫爾，行邑又徒然。為報仙居令，無勞負弩前。

寄吳明可正字

歲晚仍多病，春來尚異鄉。愁城誰與破，談壘漫相望。
體怯山嵐重，心隨驛路長。後亭梅若放，為寄一枝香。

次韻范子芬雪中同訪曹功顯

明朝春館欲飛葭，鵬裏重看舞雪斜。
筆下百篇非事業，樽前一醉即生涯。
初疑高柳狂吹絮，却伴寒梅好放花。
踏凍不辭方駕遠，閉門留客更誰家。

憶梅呈曾宏父

重憶東城路，盈々十里梅。
彌旬阻風雪，幾處雜塵埃。
已是春移律，何時酒泛杯。
好花那忍落，直待使君來。

題王氏秀野堂

飽聞居處好，遠意快心曾。
樹接高低影，山分朝暮容。
佳時能自適，閑客幾相從。
忽訝題詩晚，新來百事慵。

次韻景思謝送四時纂要

青編送似補山房妙語相酬掩夜光
盜甕不須稀吏部將軍何日命元方

盤洲文集卷第三

遠近文來卷第三

卷之三

卷之三

卷之三

盤洲文集卷第四

詩五十六首

送范子芬赴浙東機幕
男兒三十富春秋
况復才華出輩流
傳家不墜右丞
相入幕少佐東諸侯
梅花頗惜詩人去
草色正牽行
客愁修禊蘭亭訪
陳迹應懷同醉仲宣樓

送季元衡教授赴調

三年淹講席
斗酒動離情
此去登臺省
諸公熟姓名
驂駟看地絕
鸞鳳為時鳴
春日西湖上
煩君一寄聲

送石初平歸四明

析別梁谿七換春海邊相過意能勤袴襦不羨千金
子簡策無慚萬石君豪氣掀雷須給札他時修月待
揮斤鏤衢又揖東風去情話無人可夜分

送李相之提幹閩中十二韻

官柳訖春事落絮東復西門外高軒過行、將何之
七閩繡衣屬非如州縣早少留長者轍酌酒語別離
五年宦他壤一面即故知辯圍塵仍落詩壇襟屢題
擅鐘問今古遽然五摠龜迢々千里去風過衫裳吹
我亦及更書歸耘楚江涯河梁携手歎參辰後難期
曼情寧自銜長卿固同時征途慎勿遽會看軺車馳

題左達功秀才桂香齋

小齋面蓬瀛，昂霄得雙桂。黃卷對聖賢，欣然有餘地。
筆端妙言語，挾此波瀾勢。熒々百鍊剛，自是清萍器。
衝星不我識，鈎刀且爭利。于今修月手，益振陵雲氣。
明年廣寒宮，聲名却詵似。歸來八桂鄉，浮丘挹仙袂。

還李舉之太平廣記

群官九百起，虞初過眼寧。論所失，誣午枕墨甜。君所
賜持還，深媿一甌無。

酬光吉叔用前韻見寄

怨鷓今誰侶，馴鷗詎可親。頗思同渌酒，久已厭紅塵。

歸夢常通夕，微吟漫惜春。
床頭易在否，觸手不應新。
次韻蔡瞻明雨中書懷

梅雨冥冥晴復陰，小軒終日起歸心。
自憐宦業初何補，獨喜交情久益深。
憶得微醺看錦瑟，媿無好語比南金。
青山千里江南路，它日郵籤幸見尋。

贈傅神陳秀才

舉世人心別端如面不同，山川險難測筆墨。
思何工未索形骸外，聊先阿堵中。
自憐無骨相，不到漢南宮。
次韻向憲見贈三首

理財無管晏，言利析秋毫。
吐論千人廢，摩空六翮高。

未簪安世筆先佩呂虔刀楚澤東風勁寧辭攬轡勞
四望荒樓觀登高動土思山川相映帶堯李已紛披
漢節人重仰黃陂世莫窺三章堆錦繡唐突古西施
河東空有賦人不道揚雄貴賤雲泥禹寅緣井邑同
平番依列宿談笑霽威風終籟幘蠖力能成尺寸功

次韻向憲道中偶成

四牡馳原濕侯邦害必除疲民端可念茆舍未如初
消息三春異創痍二紀餘君玉心在遠諭意倚相如
聞景嚴弟遷西掖并寄景盧

俛仰梁谿歲幾寒向來墨沼已中乾傳家紫索榮三

得路青雲喜二難爵位方知稽古力論思當使覆
安自憐骨相宜塵土那得絲言動筆端

次韻向憲留題荆門惠泉卒章見及

對泉一洗心如水誦詩三歎頴有泚字比渴驥駁々
來文如翠激鱗々起皇華轍跡環諸道濟物良籌載
襟抱雙泉復見等故人竹馬兒童半羸老吾君豐澤
要下流慚愧長瀾力不侔一方始此一滴潤十畝長
有千鍾收去瘼木盡惠未施可使剜肉生新瘡塵埃
滿面語甚惡虛辱逢人說項斯

獨步惠泉用石刻中韻

拂崖看古字倚策仰前英雕章細々讀清思源々生
文傳峴山石句敵羨陂行一字或華袞五言有長城
林蟬衆作 下里羞混并坐令蕞爾國字內渾知名
茲泉發地脉有玉潛山庭神龍職何護老蚌呈煌熒
楚人力水搏倚沼仍畦瀛齋沸晝復夜輸出無窮聲
演迤清漢接旋折數日程膏潤亘原陌穀價年々平
非才 敷惠下考乃為榮疲民未擊壤循吏難聯橫
獨行挹清泚誰與論丹誠銷憂賴季雅遣興煩客卿
信美非吾土千古作宣情

揚元素題蒙泉詩云源有雌雄分碧白注謂

南泉色白為雌因為之解嘲二絕句

小孤寧有匹織女自無家浪比人間世增添白玉瑕
雄風波不動雌霓影空垂欲洗蒙泉謗須刪蜀客詩

曲水

杯去渾無勇退時偶然過坎亦安之不教坐有獨醒
客便與投醪到接籬

金蓮

綠衣黃裏水蒼筤朝暮凌波步武齊一種清高樂泉
石移根不肯污塗泥

古柳

異時古木蔽巖阿去盜來兵厄斧柯老柳如龍壽千
百獨全煨燼傲清波

同姚當可胡元質錢舜仁張昭甫遊上泉

避暑遠簿書尋幽踏管蒯寒泉浮玉根巨石開眼界
靈湫幾千年洗盡塵土礙老藤走長蛇茂木敬翠蓋
掃葉坐水旁可喜此風快炎雲不能神潛蚪祕竒怪
滿酌白玉鍾嚙甘猶沆瀣何如習家池舉鞭同倒載

次韻朱宣州見寄

十載蕭々麋鹿姿那知出守得同時黃山白水空孤
諷疊嶂雙溪屬好詩擊柝曉傳邾子國舉鞭春到習

家池只今霖雨思賢佐會見絲綸下玉墀

謝景高兄惠魚鱗

霜風激水蟹舍寒漁火獻俘清夜闌不烹五鼎若賒
死使之骨醉尤加餐尺半之魚鱗六人同入槽丘隨
小續鼎來兼味口流涎可使盤中食無肉潯陽從事
姿南金高山調古誰知音寧同媿隅作蠻語生憎郭
索多躁心簷頭雪消春有意洗盞開尊且一醉持螯
頗憶左手同尺素不妨時遣使

送唐左史紙墨

黃山竒峯三十六聳壑壽松多節目真工曲突掃芳

煤介圭拱璧陳玄玉
澗河千里茲盪蕩萬穀之皮搗
冰霜肌理細膩色白皙蜀網刻藤雞雁行使君來自
岷峨麓曾賦客卿朝奏牘細字不作蠅頭書高文富
有牛腰軸向來平步第一竈勇退宛在番之涓陶泓
毛穎幸旅進快寫元和聖德詩

送李泉

周人九府有圜法漢京金布在令甲
炊炭冶鎔多亂真紛紛輕薄如榆筴
即山不復私下臣張官置吏幾王春
君子謂之阿堵物方兄不知何許人
十羊九牧其弊近談何容易趣銷印
事權頓使歸民曹鼓鑄伊

誰察諸郡詔書狠々修廢官諸公爭言逾度難向來
矯枉亦太過疇咨英俊乘輜軒昂新能事推心計貫
朽不須夸古始共瞻使者振繡衣曾見真人興白水
荀卿自有富國篇高視管蕭且并肩錢流地上小小
爾便合論思雨露邊

江州塵外亭

使君人物風塵表亭下纖埃遠白蘋佳傳緬懷方外
友漫郎端是社中人山光水色長排闥鵠侶鴻儔已
卜鄰莫語軟紅車馬客香爐峯下有遺民

喜景徐作小圃因懷東閣二絕句

教頃澄湖練有光
小亭處處得疎篁
夢中春草多佳句
一洗塵埃速寄將

白々朱々手自裁
兩年憶著滿林開
莫教童稚輕攀折
惜取濃陰待我來

次韻董伯魯

讀破郡書有遠謀
逢時便可動凝旒
不辭巖邑千山險
肯作鈴齋十日留
辯舌未容蠹測海
歸心已夢蝶為周
松閣萬一逢佳友
為說相如故倦遊

端午日應賢小集戲用坐中語

短檠長憶桂巖東
翰墨新來莫論功
日々簿書成俗

史星々鬢髮逼衰翁公難緩三人帶小壘聊吟一
馬馳共飲昌蒲修故事山有野蕨是家風

次韻黃子餘惠雙井茶二首

荻花楓葉醉為鄉每憶臨分一鼎香枉費光陰驚老
大略無治行媿循良歸心來往雞豚社清思消磨鴈
驚行且喜弦歌餘樂地好詩句々挾風霜

峰橫萬

調護旗槍春怕深白雪有芽鷹作

爪黃梁無夢蝶心聞名可信非虛語知味端如賞
好音祇欠谷廉一杯水未能相就盍朋簪

送范至能

愁雲暗千山欲雪意未歇雨脚侵夜分鷓首勇朝發
軟紅英俊林定不冗干謁磊落胸中書高談傾上笏
結駟映天街登瀛有天骨摩娑先友碑姓名或湮沒
却顧浮丘亭寄聲頻日月

次韻王偉文二首

山城碌々負魚符尺五家園好坦途可惜光陰迷薄
領漫無惠露到樵蘇雞豚小社元相接鷗鷺新盟不
敢渝莫詬彈冠仍結綬祇宜襪襍與夫須

街石難粿和氏場揮犀久避蓋公堂筆端風雨真無
敵紙上寒溫細作行結屋競傳十畝竹奉祠聊對一

爐香朝中環賜無虛月遙想梅黃已效祥

次韻程觀過

山城寂₃簿書掃梅際春風一夜歸忽喜烹魚中有得
恍然揮塵久相違折腰豈愛蘄州竹問漢湏尋織女
機竒絕黃山待佳句何時小雨濕征衣

和州

歎息和州事腥羶未易除驚濤飲胡馬壯士葬江魚
列戍俱奔命斯民不奠居元戎猶擁鉞資斧定何如

三將

鼎立淮南將胡來競退師折衝潛白羽告捷開黃旗

已報瓜州敗還驚采石危邊防恃天塹百萬豈能隳

胡虜

胡虜猖狂甚妖星近日畿俄聞佛埋死不得帝羝歸
虎旅空增竈狼狐為解圍人々說恢復進退在投機

唐氏仁壽軒

修竹林々貫四時
虎眉扶杖到期頤
子孫長憶當年事
留取軒楹客賦詩

道中懷景廬

宦路多睽別
春游兩弟兄
頻年再登陸
十日又離京
吏責倉臺少
官曹省闈清
床頭何夕月
冷話聽殘更

闡陽驛二絕句

略々春晴天亦慳雷驚雨作轉頭間浮雲又逐東風
起不見前山出髻鬟

觸石泉聲高下聞曾將兩耳洗埃塵相逢尊酒今誰
侶細草青花是故人

次韻范守翠微亭

帶郭長堤十里春是中佳處外風塵層々危磴渾依
舊一々高亭已斬新領略江山初縱目剪除荆棘不
勞神携壺一笑湏技隙官事何時可脫身

次韻施德初遊齊山

詩塵誰復數齊梁
小杜文章楚大邦
曾為黃花酬九日
至今陳迹擅三江
新亭高下依喬木
遠岫參差進曲牕
著履與君時茗飲
後車何必酒盈缸

再賦

向來胡馬遠跳梁
奔命紛紛不一邦
景物何期新斷壑
夢魂猶自怯防江
看山小隱蓮花幙
批敕須臨青瑣牕
無事肯來文字飲
為將紅酒倒鵝缸

喻江寧欲遺蘄笛辭之

蘄州美竹今古名
白雲吹裂笛一聲
矐儒所對筆墨客
長物虛尋疎比僧
還君不用君莫恠
綺牕辦得十

金買誰與移根到草堂
它日風來聽天籟

烈士

烈士死知己交情重
同心反眼如不識
怨深思更深
憶昔邂逅初一諾
百黃金口血
頽未乾
舊盟何許尋
景廬自右吏假北門出
疊再用前韻

漢節螭出青氍映父兄
天方摧醜虜人已望神京
使指今茲重邊塵
定可清歸來陳口
伐蓮燭問嚴吏
聞應賢景高文
特少張景孫同客景廬官舍
使回親舊集虎穴
問穹廬半夜樵喧馬
高秋盤進魚
真成聚東井誰復
詬南徐底事堯源客
新來書也疎

左舉善求草堂詩

孤山佳處着茅廬飽看雲烟自卷舒莫向淮南戀戎幕松閑恐有絕交書

次韻景裴贊喜農扈之除

北固金蕉頽眇中裴回於此再隴冬徒勞金穀供諸將未有田園問老農且喜邊亭罷歐脫不湏水戰習蒙衝九卿已媿班行添敢向明時歎不逢

荅木縕之用前韻見寄

魁星秀句挾東風便覺陽春變感冬媿我供軍儕絳灌羨君汲古到羲農北隣再講衣裳會京口今為冠

蓋衝已具扁舟勇歸去
祭花清論度難逢

得江樓

官事何時了
憑高思豁然
逐江開北戶
望岫頓修椽
繁卉渾相亞
新篁便可憐
歸心入春夢
已遠故山前

花信亭

解報花消息
江邊有好風
吹香四特別
問訊幾人同
梅塢難藏白
桃溪豈借紅
但能長檢校
定不酒尊空
小雨同裴弟
深甫堅上人
登新亭次韻

移梅種竹趨陽春
舉目江山發興新
曲檻疎櫺那草
飛簷碧瓦已鱗
鼎來好語酬佳景
更有高僧話

淨因步履躑躅烏亦喜不嫌風雨整冠巾

春雪再作戲成絕句

常年窮臘無一白盈尺冬來已屢書底事天公太手
熟又同春絮到階除

寄題陳阜卿拙秀堂

佳麗并包地曼花子夜香望中圍野色塵外發天光
小隊高牙駐輕裘清嘯長故應堂上燕相與賀雕梁

世世文身... 山... 萬...

...

...

...

...

...

...

...

...

...

盤洲文集卷第五

詩六十九首

使虜道中次韻會亭

平野風煙闊孤村父老存薄雲低故堞落日逐輜軒
分裂時云久澄清敵未吞春光滿花柳天道竟何言

過穀熟

玉帛齊盟亦可尋東風着面客塵侵隋隄望遠人烟
少汴水流乾轍迹深桃李不言應感舊山川無主祇
傷今遺民久厭腥羶苦辟國謀乖負此心

次韻馬上偶成

天遣祥風掃塞氛，越疆輅傳禮儀新。禦戎可鑒秦無策，覘國誰夸鄭有人。鳴鶴九臯間，徹響翔龍千載仰。攀鱗每鞭日，陪清話談笑成章。泣鬼神。

次韻車中倦吟二首

舊國于今作兩家，鄰翁有酒不能賒。明朝又逐歸鴻去，祇有塵埃滿一車。未去未去去未去，天運天運天運。此馭寧辭歷險難，投戈且幸迤邐安。檀車軒簸長危坐，恰似舟行八節灘。

次韻初入東京二首

乾坤正欲捨天驕，會見降胡款聖朝。蓄銳乘機先自

治莫令武庫五兵銷

五門雙闕未央城碧瓦朱甍雲霧生
真主南巡正
嘗膳從今瞻仰泰階平

過黃河用上介龍深甫遷居舊韻

風埃如霧滿川黃馬上朝來識太行
水瀉濁河橋甚壯沙連遠塞路何長
皇華復講衣裳會京闕今為擅剽
鄉夾道桑麻過千畝野花時有一枝香

絕句

宣防甄子橈西京向者河隄後不寧
胡虜任教流就下始知談古誤朝廷

次韻北使邀觀常豐湖

一派澄湖何處來，鳴榔漁子聚還開。
主人甚願他鄉客，莫使歸途欠一杯。
此處欠一杯，蓋北使語。

次韻初望太行山

曾聞遙碣石，形勝鎮神州。
可惜羊腸險，今包鼠穴羞。
天心端有待，人力豈能謀。
未老如憑軾，壺漿為曲留。

次韻伊洛道中

萬里修鄰好，邕表不亂羣。
邊鋒方兩解，春事已平分。
發軔雞三唱，揮毫酒半醺。
問途殊未已，返頤羨崑雲。

次韻湯陰寒食遇雨

殊方遇寒食節物負年華
小雨偏宜柳輕風未落花
見錫如隔嶺對月共忘家
俗重之推廟誰祠萬里沙

次韻講武城

漢鼎三分霸業成并吞猶未戒
佳兵故城四壁存陳迹
荒冢千年斷樂聲何必枕戈防
詭計豈容橫槊竄詩名
我來弔古停車轍壘上農人也
輟耕

次韻趙州石橋

訪古汶河上聊忘道路勞
仙踪嘗策蹇海怪或鑄鼇
濟遠徒扛小憑虛亂石牢
何時冠蓋集一變犬羊臊

過中山

三闕標重鎮自昔護邊陲觀者堵牆立紛然簾幕垂
欲謀千日醉恐誤十旬期可喜中庭月何妨畫一卮

過保州

藝祖粉榆社唐人保塞軍百年隣毳幕今日聚妖氛
故老垂黃髮妍姪艷彩裙白溝才一舍何計可中分

次韻早行

夙駕星光動徐行霧氣迷塞鴻翻月去胡馬向風嘶
柝靜譙門曉輪欹沙路低頗思眠蕙帳枕上聽鄰雞

次韻得保州老張瓦研

毛穎傳既成陶泓名不朽陳楮接武來論交篇籍固

十年銅雀臺瓦解淪坤厚何人澄其泥頗能髣髴否
龍公天上客金蘭幸同臭結束萬里行睽翮五旬久
清談落玉塵痛飲盡金斗咳唾珠璣繁揮翰不停手
窮邊得佳研可出老呂右瓦缶莫雷鳴龍尾羞牛後

次韻保州聞角

覺來屈指數修程歷遍中原長短亭誰向城頭曉鳴
角胡音嘈噴不須聽

胡音嘈噴不須聽整頓征衫待啓明已把哀笳變清
角可傷任昧雜韶英

次韻梁門

雙壘依然柳作陰
故壘行盡倍傷心
時平且得無爭戰
苔上戈槍卧綠沈

次韻白溝河

唐餘畫壤媿鴻溝
西閉關門漢道柔
一自旄頭入京洛
至今泉水不東流

次韻回程至豕鹿

回首燕然日再西
一杯相屬使輶歸
殘花媚野不妨好
倦鳥投林自在飛
可惜光陰銷客枕
不嫌塵土染征衣
大明退直清和日
已約梯雲訪翠微

燕館日餞得四雁籠之以歸

提携乘雁脫庖丁
等待他年羽翼成
唳月摩雲須有
便莫教更作不能鳴

次韻楊花二首

桃花開落不同時
燕子銜泥相伴飛
若向章臺問春色
可無清淚濕征衣
官路風輕落絮迷
望中高下雜游絲
糝糝擬雪春無際
只有騷人聖得知

再至保州

再入中原境相迎
有莫鷓柔柔新迸葉
高柳細吹花
短幘人如秃
尖冠女不整
指期誰可渡
寧歎在天涯

次韻再至中山

路指中山國人歸析木津終風震簷瓦細雨壓車塵
落紙詩章速開尊酒力醇無功慚報國來往謾勞人

次韻中山雨後

好雨連霄鳩喚晴曉行襟袂有餘清遠遊朔塞殊風
景夢到東汗看火耕紅退桃蹊三月晚綠添麥壠一
川平穢塵不逐車輪起喜聽驅驢叱馬聲

次韻村店得牡丹

花品稱王擅洛京朱々白白々莫齊名相逢河朔春將
暮半吐檀心若有情

次韻陳留聞鶯

恰々啼鶯馬上聽凝雲欲雨曉寒輕
滿郊碧草皆春色
祇欠山光與水聲

次韻寧陵憇驛

野外人聲寂林間鳥羽翻
朱櫻喜堆紫青杏助開尊
故國多荒草遺黎有怨言
雨餘塵土靜不復汚歸軒

次韻南京道中

密葉成陰行路寬
鳩鳴鶯轉足開顏
半途泥滑夜來雨
數片雲飛何處山
薄暮每尋樽俎共
殘春能伴節旄還
塵襟好濯西湖水
偷取禪房一日閒

次題遊臞菴不果

水紋如縠送歸舡，漸近觚稜尺五天。
適意尊罍公有興，尋盟鷗鳥我無緣。
遠懷並鬱穿紅皺，近阻携筇歎碧鮮。
却待湖山最高處，醉中一笑挹臞仙。

寄別景廬

禹穴遺書不可尋，坐看綠葉再成林。
千巖競秀非吾土，三徑就荒勞我心。
誰是周人思召伯，今無老叟出山陰。
台階穩上添花萼，時倩來鴻續好音。
藍憲遣人往吳門，移落花未至而去。

雒京禹絕花難得，茂苑移將信已通。
世事好乖猶默

鵝雕闌不用怨東風
新壇巧斲列東西
唯擬看花倒接籬
交臂失之端可笑
儻來外物盡難期

三春堯李家、有不費陽和特地恩
名品異芳天亦靳
未教容有到立園

登芝榭見景廬所增月臺

臺榭相望聞語聲
茹芝觀月有餘清
旁連小隱分三徑
細教修篁限一城
日、杖頭思徑醉年、鐫脚玩
欣榮誰人知我歸
欣樂趣此登臨未悻行
許倩報白榴已得玉茗未諧以詩趣之

萬里移根安石園何年傳粉未知名
須邀玉茗來岩壑便結瓊花作弟兄
詩客定疑天外得園人已辦臙
前迎東家阿措休相妬不學穠粧照眼明

次韻景盧喜得安州牡丹

洛中花信已沉聲涇渭寧分濁與清
近出黠山空接

壤徽州雖出牡丹吾鄉亦難致

遠來安陸

連城虛壇僅免遊人

問浪蘂從教著處榮更欲丁寧
新芍藥

維陽送新芍藥五十本

莫誇多少便橫行

次韻景盧野處解嘲之什

地偏不接市塵聲古木參天鶴唳清
臺榭迥窮千里

目詩章突過五言城花移瓊樹真無敵酒換金貂未
足榮燈火歸時笙管作解嘲何事有歌行

再賦

幽壑藏雲水作聲紋蘭入室好風清

雲壑蘭室皆野處所名高

蜚便有縹々意進簃如開蕩々城百尺樓成同日涉

四時花發匪朝榮園池如許誰言小但平放芻蕘雉

兔行

酬景盧賦園中種橘移花

甕頭玉友已銷聲小試山齋百末清十客對花休避
席千奴呼橘擬專城微霜到處葉未落小雨移來根

易榮情話團乘亦終日坐中惟欠十般行

景孫有小鬚解此作

戲是日不至

酬景盧謝菊

涉秋無復滴堦聲夜雨隨風塵已清平日愛山營一
壑老來學圃列三城園夫種樹元無術籬菊分叢獨
晚榮躡屐問花兼問柳不須乘毳可泥行

荅景盧

鴈翅齊飛有雋聲文章何止賦華清誰教短策長尋
壑不擁高牙且典城臺省向來非獨冷身名此日已
俱榮盈旬詩軸牛腰大抱贖須同餐風行

病酒

三日惟聞煮藥聲
一中可怕聖之清
移花種竹已得地
逢酒當歌須閉城
遠避霜風嚴北戶
靜看朝日滿東榮
雙螯退步輸年少
誰與抽琴作蟹行

荅景巖

向來戎馬沸邊聲
曾出良籌助掃清
六載倦遊潛楚澤
一枝同折記藥城北
門西府仍班綴後
雁前鴻媿寵榮
兩鬢星星吾老矣
看君重上赤墀行

景巖送冬杏

蒼頭呷夢雜雞聲
蕊杏詩來句轉清
獨傲風霜愛冬

日不隨桃李媚花城一枝得々能相對凡卉紛紛孰
並榮大隊開時春且盡醉吟當續麕人行

景盧送瑞香

翠幄藏春巧寄聲熏籠織錦曉天清幽香瑞是花中
瑞仙派初來塵外城酒海何妨三雅進鬢雲誰稱一
枝榮雨來頓使鄰牆遠不到闌干深處行

野處有詩羨山居小隱之廣而有拓地不可
之歎

敗葉翻風策々聲山根可掬石泉清東隣羨薜久成
塢北陌新柑小築城臺在家邇來更好地連郭外得

非榮曾接縱目無窮景安用垂涎杖屨行

再賦

厭聽朱絃裂帛聲携鋤斲壑賦臨清賞心盡得難并
景舒足休嫌踏破城夜璧朝瓊宇獨樂春蘭秋菊豈
爭榮閉閤不使高軒過只許漁樵為輔行

周智光鎮
華州嘗曰

夜眠不敢舒足
恐踏破長安城

憶城東來禽為景孫弟

遠送來禽我獨無後來終得兩三株
隱園野處花難

比祗恐人評棗園

憶古城市為景陳弟

果園幽僻少能知
丹柿烏樺手自移
欲學鄭虔書壁
葉何人解有寄來時

憶隆庭竹為魏序成

聞道隆庭竹滿園許分蒼翠長兒孫看々冬盡無消
息始信莊周是寓言

憶吳中落花為藍叔成

書郵浸失鱗鴻約欄檻長教蜂蝶猜待擬子虛烏有
賦東賓仍遣耳孫來

戲孫陳二弟

城東卜築有期無須為簷檻動百株可忍非時歸爨

下合尖何似助浮圖

古城栽種畏人知定是根盤不可移

西陽雜俎木中根固柿為最俗

謂之柿盤車載斗量禪販走果綱却有入州時

傍嶽經營雜果園
齟齬愁它日
逐王孫不如種竹招風月
此意難逢俗子言

林居草創名花少
柳徑苔生過客精
不管空言無寶惠
只嫌巧取近嗟來

再賦

外求它壤曾攀桂
近捨家園尚守株
待得枝頭如赤

柰

廣志林禽花似赤柰

却來看我百花圖

圃在前村若箇知山逢愚叟會須移前言戲耳君休

怪七絕成陰自有時

雜俎柿
有七絕

何人種柳成門巷幾處看花到子孫

高適詩門前種
柳深成巷羅鄴

詩買栽池館愁无地
看到子孫能幾家

且盡山齋一杯酒此君相對已

忘言

長慚無地起樓臺覓果尋花頗受猜且向園林聊寓
意不教絲管逐人來

送景盧

涉世難防犬吠聲放懷安可俟河清昂霄莫辨千尋
木鑿燭聊看三里城丹橘黃甘隨處好美花香草逐

時榮晚來寒雨催歸騎
酷似鄒人接浙行

送朱叔召歸吳中

長憶吳中鳴櫓聲
風高月上水波清
臞菴掩映花成聚
笠澤微茫烟若城
十載相忘存夢想
一帆此去喜歸榮
老來無復尊鱸會
尚看驂駟得路行

景孫以婦病稽賞甘嘗蟹之約
景盧以詩詰之

鄆莊好客底虛聲
藥裏關心興未清
應恐被圍因魯酒
也防完璧弃秦城

謂德典
二客

雙螯弟講連宵會
千橘

誰教滿路榮見說
高臺新斷手何如
自索玉杯行

戲景虛

千橋亭前莫聽聲，豈無鄴酌和汾清。

齊武成勅河南王曰：吾飲汾清。

二杯勅汝鄴酌兩盃輕裾長袖閑列屋，碧瓦朱甍高照城。臺上

金波催夜集，樓邊玉樹待春榮。賞花斫鱸言猶在，還被題輿誚卻行。

盤洲文集卷第六

詩六十二首

隆庭竹至四絕句

憶昨分抄種樹書三荆今古美同株
閑將草木供詩戲待把漁樵足畫圖

竹里巧傳幽鳥語月臺高視客星
移鄉園何幸立分鼎鳴鼓鏗鐘樂聖時

斑籜遠移湘岸種猫頭亦是渭川孫
百金得諾今無恨十畝封侯不在言

裝景松篁渾可喜忘機鷗鷺不相猜
南窓情話有時

盡喚取青州從事來

荅景盧久陰遣問

幾日思君環佩聲
方冬天宇未澄清
衝寒也到臨春閣
處暗如登却月城
整頓建瓴愁雨作
商量設醴卜花榮
錦囊不用詩排悶
起看朝雲亦倦行

喜小隱新得山茶

芳園封植閱年華
異卉搜求闢小車
不羨竹林生石竹
獨來茶塢補山茶
遊人認柿枝頭子
歸鶴求雌葉底花
我去臨川尋玉茗
遙將白雪映紅霞
有人以山

茶子為沒蒂柿者

荅小隱惠山茶

何處仙宮萼綠華
鞭鸞獨御五雲車
來從月窟曾依桂
分種盤州不礙茶
枝耐歲寒犀換葉
蓋藏朝霧錦羞花
紅顏不逐東君老
須著頻來闥臉霞

荅小隱聞野處開尊

遺我雙魚集棣華
尚疑信馬誤隨車
絲聲自是不如肉
酒薄須知大勝茶
翠袖明朝看倚竹
蘭燈昨夜報開花
飲闌同步臺月古
危亭見綺霞

荅小隱喜得白山茶之報

素質寧嫌潘鬢華
來時應有雲龕車
賦傳山谷文堆

繡種出桑源韻勝茶不向桂宮藏玉兔合橫藥觀僊
瓊花冥搜未護詩先作駐日輕帆泝落霞

憶東閣手植花木用雍陶過舊宅看花詩韻

分根徙核望春栽曲徑幽蹊手自開今日成林渾著

子花時不折一枝來

雍詩云山堯野杏而三栽樹之
繁花去後問今日主人相引看

誰知曾是
客移來

玉茗未有耗而小德作詩以瓊花為二絕當

粵美野處可也

休論官業出金華共樂家林鹿挽車何日尋春携漉
酒有時留客試搗茶望梅止渴寧非夢却月橫枝始

是花秋恐偏枯慚好句空教步障錦如霞

和景嚴送方蒂柿

萬株紅葉詠光華

昌黎詠柿詩正植萬株紅葉滿光華閃壁見神思

嘉寶堆

盤走紺車

柿之七絕其一曰嘉寶

方蒂寧同牛妳柿朱唇應笑

鳩虵盤茶園官急送須足爾童子爭觀多眼花羅列

林珍生飲興詎思辟穀更殮霞

談苑鴛粟子詩既似柿牛妳又如鈴馬兜

笑林有鄰夫自外婦見婦吹火贈詩曰吹火朱唇動
添薪玉腕斜遙看烟裏面一似霧中花鄰之醜婦亦
求夫作詩遂改作吹火青唇動添薪黑腕斜遙看
烟裏面一似鳩盤茶柿有青者但堪打油故借用

荅景盧懷舊

了無夢寐到京華來往園林整釣車緩步競移霜後

攜清談旋碾雨前茶虛名長媿稱三鳳舊事休懷判
五花共把詩筒銷永日喜君襟韻秀朱霞

園中觀種樹

望中赤葉漬霜華林下徐行便當車好處見山仍見
水興來呼酒不呼茶旋移朱橘添盧橘更揀紅花間
白花出郭最欣塵事少飽看孤鶩逐飛霞

苔景盧報月臺將畢工

新築崇臺欵桂華凌虛如跨白鷺車西瓜來自余吾
水遠物誰詢悉里茶不減平泉書草木更尋南部錄
烟花落成有約 講舞袖遙看舉絳霞

苔景嚴詠山居夾道種松

投徽歸來髮半華
蒼官恠我出無車
樹當樵徑頻爭
席地接禪房
好覓茶要使行人長
蔭樾不教侍女獨
司花十韋五鬢
已年事會見
摩空薄

讀作絳霞

扣景盧餞朱叔名往宣城

與客窺園春未華
也須日昊始迴車
松間共賞描頭
竹酒半先嘗雀舌
茶雲覆疎櫺
香起篆風侵
器坐燭
吹花雙溪疊嶂
催行佳句重吟
散霞

苔景盧詠道上新松

落落喬松說華
霜骨想專車
淪脂比地能和

藥結寶珠方却入茶 女拾釵分翠葉野人敲粉聚

黃花脩然一徑窮芝嶺曉見飛雲夕見霞

頃年官池陽見九華

山有數松亦結寶乃梁時胡僧移來者

和景廬雨中歎

工徒滯雨望朝華好倩泥蠻指日車未利怯寒光近
火瑞香蒙潤免澆茶莫嫌雲暗青油幕尚恐天開端
木花待得嚴霜變陰翳便湏酌酒賞金霞

和景廬喜晴

共喜胡塵不亂華戍邊聊出武劉車天公欲遣風催
雪僧舍方疑烟濕茶巡圃觀橙無墜葉隔溪移杏恐

傷花舉頭忽見雲間日急草詩章慶半霞

閩商貨千葉牡丹疑其非而却之併懷藍憲

所許

星文隕石應皇華鵲語參差雨洗車忽報商人絨葦
篋初疑閩產雜官茶栽培况乃三冬月真贗難分千
葉花寧使雙壇且虛左空吟輕日護香霞

羅鄴牡丹詩門倚長

衢攢繡輓煙籠
輕日護香霞

和景廬詠新得歛縣牡丹

旁搜嘉卉對韶華寶玩明珠照車可使東壇無蔓
草如遊北苑得名茶安排多炊黍准擬襟期共

賞花醉語美人無

不教拖帔泣歸霞

李賀牡丹曲美人醉

語園中烟
披拖蜀帳昏

歸霞
思

野處送百結花

蠶屈枝仍整葱青

稀雙嘶疑鳳帶百結類鶉衣

弱骨長連鎖輕腰孰解圍若教花自在應作綵雲飛

野處送金燈花

銀燈未茁有金燈翠葉森々比劍稜待得花光無斷續却須拈出問鄰僧

和景嚴詠冬開木犀

桂枝冬更好浪蕊到今稀
韻催吟筆幽香傍舞衣

月分千里影風突百花園倚策山亭暮寒鷗亦倦飛
和景嚴約賞木犀

菽、塘宮桂冬開自昔稀犀通一點骨密染六銖衣
樽綠拚深酌爐紅漸可圍賞花宜卜晝莫待晚霞飛
喜景盧有落成瓊樓之約

地近藍輿便心清俗事稀
檐花瓊結佩
牕月練垂衣
松竹添三徑
溪山路四圍
落成歌
集仰首暗塵飛
和景嚴詠新得蒲萄

名傳馬乳
久物比
胎稀
醑醑架
鋪薜荔衣
孤根臨水窟
疎蔓接籬圍
急釀涼州酒
西園蓋欲飛

得洛中牡丹

洛花天下選千里 三園望岫方緘恨
憑鶯忽踐言 群葩俱退舍
勝日便開尊 莫惜詩償債
真同香返魂 籃憲所送牡丹道遠失時頗多枯槁

殷勤人有信驚喜得花饒可惜三冬晚來從十里遙
根芽愆潤澤牙葉頓枯焦倘有更生路寧辭楚些招
荅景韋赴調還家見寄

迎歸烏鵲竟傳聲擺落埃塵襟宇清
薪桂豈容留帝闕 幙蓮且得近鄉城
眼邊觸處梅爭破 陌上分行柳向榮
如約速來春可探 肩輿須去靜中行
韋弟乘車

頗有可笑故云

許倩遣舟送花栽

雙舟十日涉長湖
蕘斛筠籃且百株
可喜石榴初變白
更驚玉茗不施朱
臨風含笑勞花使
映水分行擁木奴
裝點園林娛杖屨
好來一醉倒金壺

予得圃芝山之麓
去春始治畦徑名曰山居
中為芝榭四楹
其秋雙芝產于榭南
今夏復見四本而盤洲亦有其二
因刻詩以志之

山中曾有采芝仙
此日靈根詎偶然
題柱漫將詩紀實
憑欄真共酒忘年
英華可是丘園瑞
造化元非雨

露偏留與山居作嘉話未甘草木羨平泉

雙溪堂

負郭藏嘉處清溪夾岫流風漪前後起而態淺深浮
八戶松橫岫開牕榻滿洲心閑身自在塵事底能留

樣齋二絕句

野色山光列畫圖坐看漁子入菰蒲恰如放鷓穿三
峽何事航家問五湖
青翰不動柳陰多桂棹無聲鳥語和有此孤舟寄立
壑可憐平地起風波

侶鷓亭

憇策新亭上波光入坐來魚游能自樂鷗狎肯相陪
風快塵襟豁雲深俗駕回尋盟湏日涉未怕落霞催
小隱芝草

芝叢盈百見聞希不教嘉木連理枝紫蓋堆雲光點
漆金莖蒙露色麝脂一時競秀園林勝十載深藏天
地知急辦軒楹尊瑞物泥封詔墨有來期

招二弟賞盤洲雙頭蓮

何須艷質開鮮粧紅蕖本自雙却恐花飛成造
次急來相就倒銀

紫薇花以六月至自溧陽在道已五十日今

有花蒲樹因示二弟

六月炎天千里移不期繁蕊便盈枝
向來渾是西垣客憶得看花草制時

九日欲為雲松之景以病倦而輟

半秋翻藥裹九日負雲松黃菊從他好
清尊不我容零丁悔敗葉旁午羨遊蜂
今古登臨恨雲迷五老峯
景廬約賞朝天菊不克往

暮節真無分頭風祇自知朝天雖有菊
向日不如葵久旱千株槁深秋百草萎
吾衰亦相類飲興謝東籬

除夕

歲盡春雖淺更長夜亦闌枕邊雞送曉窓外雁衝寒
學圃心常在壽邊力所難老來驚節序那復問椒盤
觀園人接花

植杖看園吏揮斤接果栽奪胎移造化類我借根莖
一似雀為蛤能令桃作梅天工待人力信手便春來
開歲三日有夜雨屢聞雷聲繼以大風晨起
飛雪已盈積景虛作詩即事次其韻

早定已歎失秋成春到誰教夏令行風陣驟來收雨
脚雪花未集聽雷聲陰陽改變終俄頃冷暖乘除若
晦明待向斜川會鄰曲占晴須問蜀君平

雪後遊盤洲

事々斜川日月同行
過四逼衰翁縱情自洗和陶
筆乘興誰開訪戴蓬梅萼屢存難聚雪竹根未穩不
禁風莫將野趣逢人說水上輕鷗西復東

樣齋觀耕

城下經營二頃田
倒囊不惜買山錢
一犂駐目雨初
歇三徑藏身地自偏
乞米帖來須領畧
相牛經在與
周旋嘗新指擬翻匙雪
早魁誅夷勝去年

景廬新治西園而亭榭未立以詩趣之

斬新曲徑治西園
野色春來已可觀
便好作亭供客

醉望中流水有時乾

答景廬和篇

致君無術合歸田誰敢貪榮食萬錢且對清尊希北海
最欣別墅接西偏轉頭麥塊龍工往緩步花蹊蟻
磨旋辛苦三農營一飽莫教牟賊壞豐年

上元日圃中歸

春風環柳岸夜雨沙痕剝竹期新笋移花護舊根
身閑貪獨樂舌在戒多言是處無燈火荒涼一上元

次韻梁憲盤洲之集

輕風吹雨稼行春丘壑裝懷我輩人照水軒牕如進

艇穿花旌節屢移輪携壺
講三杯酒揮塵曾無一
點塵明日兵厨尋故事已教園史拂華茵

再和

於越歸來三見春買山學圃狎漁人非嫌厚祿輕捐
印所畏空餐詠伐輪時運可驚如過隙人生何若不
同塵明年此會誰重講唯把書郵問鼎茵

江守置酒盞洲張貳卿兩憲及景廬同集時
江新兼泉司

皇華分鼎坐添春隱霧巢松三散人半月陰雲濃似
墨今朝晴日大於輪不辭多酌娛浮蟻何用清歌落

暗塵歸去池塘入新夢
句中芳草醉中茵

再賦

到處爭持麴米春
闌干花底湊遊人
同盟非是新傾蓋
巧匠誰云老斲輪
倚竹豈無人拾翠
凌波誰想襪生塵
後期直待荷花發
欲喚輕裾上舞茵

醉中三用韻

小車追逐賞光春
花塢行盤走隸人
水面落英如濯錦
雲心初月未安輪
今宵同舉盈觴酒
後夜還凝滿席塵
倒載歸時童稚舞
莫教騶哄澤馮茵

雨中排悶

生怕花飛減却春半旬
苦雨惱幽人
山房挂壁有雙
屐村徑衝泥無隻輪
但見綠波侵碧草
不須皂莢去
黃塵擁壚更甚三冬月
轉覺寒威逼坐茵

次韻梁憲再集盤洲

春風步履共優遊
園廬匪拙謀
羅列清尊資嘯
傲安排好語待賡酬
茸々香草裝三徑
恰々幽禽想
十洲玉節尋盟端不
便回天上近凝旒

浮杯

南北芝泉一澗開
穿花度柳勢縈回
不須元巳方修
禊才遇良辰便泛杯
行止豈由人智巧
沉浮長與客

驚猜急流一去誰難進却有先游殿後來

送吳遠澤赴南宮

文壓秋闈掣桂華一鳴天陛穩乘槎歸來須踏盤洲
路要看荷衣醉藕花

九曲有感

忽々光陰轉駸々華髮添迹陳三可歎心賞四難兼
歲三日挿柳

欲教垂柳匝池臺尋覓長條處々栽待得成陰身益
老攀條能有幾番來

次韻梁子正詠棕亭

鬢得并間製數椽繡衣拈出少陵篇倚楹見水幽情
暢駐屐迷花詩興牽便覺茅軒俱退舍若談竹室不
同年蒲山所欠青々藥且趨流觴集醉仙

盤洲文集卷第六

盤洲文集卷第七

詩五十二首

梁子正有詩謝牡丹及聚仙花次其韻

天教國色傲春華不肯爭先伍雜花
西洛塵埃長太息名園今屬犬羊家

痕坐林間類守株一年春事已無餘
直須九曲添清漲灑掃樓亭進一盃

玉蘂茸々映四筵團樂如集飲中仙
下方蕨蝶非儔匹上比瓊花難並緣

病中憶九曲

新穿九曲望時霖水到渠成病已侵見說小舟穿柳
岸那知清漲入桃林五旬藥裏長經眼幾日荷花復
賞心夢裏亦知行樂處老來尤更惜光陰

六月鄉城不雨禱賽無應得建康書一雨連
半月至以望日句晴感而有作

蒼々太手熟歲々厄吾鄉千里均州縣三旬殊雨暘
誰云不私覆迺尔分此疆遂令遠遊子轉盼生炎涼
江鳴玉遺蒼梧二蒼鶴其一病兩日而死陸
魯望詩云醫鶴自須監吾鄉人醫尚無良手

况禽醫乎

病骨摧頽警露雞草埋長脰委蒼翰吾鄉尚欠肱三折况有禽醫為一看

八月下旬觀邨報二絕句

黃卷漫窮年天梯欲上雞閭閻聽小子競欲裂儒冠歎息東坡老聰明誤一生不須多識字捷徑自橫行
婺源乃歛之劇邑素有湯鼎之謗頃治此郡
俾邑官作止沸之亭而不果吾宗應賢下車
而風俗易書來求扁因為賦詩

琴堂少值烹鮮于壯縣空遭沸鼎名止火絕薪俱下
策風移全在長官清

宗人應賢婺源張氏之婿也治邑清介一無
所私其列獄詔書郡幕至以邑尊稱之其里
諺如此戲成絕句

自昔為門婿于今是邑尊秋毫無假借情話與誰論
朱叔名遺文官花二絕句

幻出荷衣點雪衣更將龜紫換牙緋人中巧宦誰知
此好向天街挿翅飛

綠心變却初時白紫色由來昨夜朱學得文官何足
道但堪花徑駭僮奴

再賦

不用風人怨綠衣身兼魏紫與潛緋司花直為文官
地可忍春殘一片飛
解褐方聞上玉除寵光轉眼疊金朱大夫不博喬松
貴嘉橘千頭也作奴

景盧蠓洲

芳洲編地志老蚌隱澄灣軒檻今清絕全勝合浦還

蠓橋

堤長交柳蔭橋狹東荷香掩戶回逋客憑欄狎漫郎
索笑亭思景巖二絕句

往日江梅發巾車數々來自今花索笑不復共銜杯

常棣春來減人如斫脚鑄倚欄思舊事老眼淚縱橫

次韻景盧賞梅

曲 梅藏白東皇解出奇不嫌歌板闌直與酒尊宜
倚竹盟三友凌風粲一枝清標何水部千古說能詩

石鼓詩

天作高山太王荒鸞鷲一鳴周翦商邠鄆卜年大蒐
講諸侯歛衽尊天王六月中興絕祖武平蕩犬戎恢
境土石崖可鑿詩可錫千載神光薄西澣橐駝輓入
大梁都壁水港々河出圖中間兩鼓備章句日惟丙
申不模糊左驂秀弓射麋豕有鰲有鯉君子漁光和

石經屹相望詛楚登嶧非吾徒辛壬癸甲雁分翅橋
門觀者堵牆如星沉東壁干戈起首下足上天倒置
景鍾糜碎九鼎飛王迹皇風吁掃地群胡扛石徙幽
燕兵車亂載包無羶敲火礪角小小爾為礎為砧多

歷年

宣和殿中圖復古冠以車攻次十鼓韓詩歐跋盡兼
收雲章剖判定魚魯先君辛苦朔方歸文犀拱壁
弁弗攜一編十襲自鎬秘更有司馬鳳翔碑我生不
辰今已老岐陽三雍身不到匆匆使虜接浙行在耶
亡耶問無報整齊篆籀飾牙籤簡撮篇詠勞窮探致

主有心歌小雅汗顏無術下登三

丙申臘二十五日落一左齒

行年六十已中枯雪映衰髯歲旦除一齒驟然離左
輔益憐大嚼遠庖厨

野處孔雀為狸所斃

遠程萬里起南溟文采歲蕤掩畫屏展翼來朝金翠
晃疎身輕舉鶴烏停園中但有辟蛇法山下相望瘞
鶴銘野鷺家鷄隨處有孽狐何事獨淫刑

過濠上

心隨溪水清日逆岫雲生不憚躡芳屐橋南鷗乞盟

豹岩之北脩竹數畝中有叢冢數十百處皆
紹興末年所寄予得此地先定規撫某處起
臺榭某處植花木七八年間成畦逕矣所寄
之櫬碩移者從之不強也作壘之春有姓淡
人來啓最卜日携挿掘土數尺敗棺俱在朽
骨為土所蝕頗亦不具皆包裹而去後數日
忽訴于縣于州于外臺追問証治踰月始定
今不復塞其故穴欲使孫曾知之故作此詩
未央長樂宮中有樗里墓沈々天子居咫尺穴狐兔
乃知古聖人如天覆下土雖袒裼裸裎四目曾不顧

賢哉季武子杜殯迫西廡堂皇步武接松楸暗鍾鼓
桃菊不屏除芻靈許來附忌諱後愈多今人不如古
曹擘好發丘凶德比夷虜掩骼埋其肯人當事斯語
我老得歸田買山因學圃鬱々琅玕林叢冢不如數
豈忍去枯骨為我展杖屨恣其笋侵壘不使種瓜瓠
花木列四旁亭榭亦回護數年畦迳成或徙或如故
尚有曠悍人珥筆巧誣訴無言事自明有物衆所覩
舊壙今弗埋朽木且支柱尚恐妄男子輕傳市中虎
書事示孫曾無心覓佳句

席上見姚泉壽母諸子求詩

潘與隨五采三釜古今榮
蘭玉盈階砌追攀千佛名
董伯魯以詩送川海棠用韻答之

花栽趁上春重研疲雙足
何日對仙姿分題同刻燭
次韻景廬題龜巢

拙速誰云勝巧遲新亭結罷
得能竒細看遠水兼天
淨可但中秋觀月宜出郭
自欣三徑樂枕流今有幾
人癡巢蓮千歲同藏六一
笑泥塗曳尾龜

三月十六日龜巢觀月渭師携寵同賞後雨
日大雨復作景廬有詩同其韻

潛鱗故々上釣遲翠袖憑欄自一竒
半夜醉歸閑有

趣一年春盡事如宜
盍簪何憚再三瀆
覽鏡堪嗟六十癡
已辦尋盟臨斫鱠
不將可否問蒼龜

四月十三日流杯次景廬韻寄涓師

今年無好雨
曲水未勝杯
誰伴山翁醉
難令俗客陪
青苔迎馬入
綠柳

流杯同景裴韻

三春少雨未行觴
槐影交加更漏長
半夜水來山澗滿
四簷竹密酒尊涼
新亭方作龜巢葉
盡棟何妨燕語梁
蒲引三觥拌一醉
老來真箇惜時光

流杯次日連雨涓師有詩次其韻

入夏濃雲日夕昏舉頭烟雨暗前村風隨重客清葵
扇月為佳人射翠樽依舊建瓴敵屋角幾番携杖失
溪痕小杵已在紗牕下欲把明瓊看倒盆趙侍兒覓
小碁局次
之日與

再荅

投老無能千慮昏歸田使令村長因步月成三
影難得朋雲共一樽水漲溪橋孤釣隱雨侵山徑洗
犂痕寓公在此黔突會有容光照覆盆

景盧開尊阻雨展日復用前韻寄之

逐婦鳴鳩急定昏不堪烟靄弄十村掩閑盡日資節

杖改席何時對
樽雲暗松皮多節目
雨傷黎類有
癢痕溪
若也心無妬
迎出棠娥照玉盆

雨中排悶

飯牛戴笠牧
昏安得斜陽過別村
戶外涎蝸行半
壁床頭渴鼠側空樽
花殘鶯老渾如夢
水到渠成不見痕
天意未晴人未飲
家奴款曲辦瓶盆

再賦

月在雲中破鏡昏
幾時清影散林村
杖藜難去尋漁艇
洗琰無因續蟻樽
竹葉弄風添秀色
榴花帶雨露啼痕
不如暮捲珠簾醉
喚取佳人笑拊盆

庚子山居采茶有感

憶昔采茶時雨後山蹊濕鷹爪喜盈襜蟹眼思朝汲
歸路取盤洲下具行踪急珠汗透裳衣更換登梯級
徒倚曲欄^心鳴雁圓沙集晚景不勝寒春氣潛相襲
詰旦傍裝臺欹側人扶立興疾望醫來誰煮青黏汁
舉案念齊眉幻泡何嗟及重過故園門不忍携筇入
引領顧前丘空對旗槍泣

一春置酒必苦風雨今日幸晴而景廬有^色行

春風雨厄遊遊此際開樽始解朝怡^々鳴禽藏柳
陌^訢嫩葉迸花梢離筵欲動愁分袂勝日何妨剩

出郊燕寢香凝公事了
頻將書札問龜巢

次景裴席上韻

桃李紛紛已半春
海棠睡覺晚妝新
龜巢刺有千般景
瓊報渾無一點塵
酒未舉杯風逐客
詩方拈筆雨催人
從今只揀晴和日
草草杯盤勿厭頻

用景盧諸公詩軸韻
拾監司太守

淺白輕紅笑倚門
何須雪夜憶前村
韶光定入詩人句
勝事難逢俗子言
風振繡衣須命駕
雲隨皂蓋欲窺園
人生易老愁春老
問柳尋花故事存

景盧數日枕疾復用前韻

半載悠悠只閉門不知紅綠遍千村山川滿目供衰
境桃李成蹊出怨言可惜花飛聊洗醜何期雨作阻
行園車公不出須重講檢校芳菲心興存

荅景裴

春來刺啄少登門
溢雨慳風笑我村
橋上垂綸裴好
夢花邊倚杖記
前言長楊美竹
雖當戶語燕流
鶯不到園此會
明年千里禹詩
筒猶有置郵存

席上遺景盧

白髮歸休
生棣華酬唱
娛情雙旌欲指
闔中去三徑誰
同月下
行蕙帳風清知
鶴怨蘋洲波細
憶

鷗盟新壇留 人千里把醖相思淚睫橫

枕上示景盧

朱轡皂蓋有行期暮景無情惜別離枕疾半旬乖語
笑急風吹雨淚垂々

南憇番禺北抵燕片帆西上駐荆門平生不作東甌
夢荔子丹時

荅太守謝牡丹

華髮歸來不記春優游學圃傲江村已欣勝日臨千
騎漫折香霞佐一尊對竹便當尋曲水藏花那肯效
慈恩行厨若有真消息奔走哇丁急掃門

劇談錄唐慈恩浴室院有鞞紅牡丹一窠千朶
不使一見會昌中老僧漏言為朝貴強掘去

懷景盧

昌蒲節近暑風高常棣叢疎月影交清夜不曾空鶴
帳浮生何幸老龜巢酒盃獨引今無侶書卷閑開共
苦抄想得公堂鳧退須懷西塢欠誅苑

荅徐守

改日開尊已十成冬曦地晚來晴江梅獨報春消
息應笑群花太薄情

不教絲竹層臺促席飛談懷抱開夜半夢回聊趣

韻媿無好語答瓊瑰

排悶

數日雷中雨凝寒

頭出遊閑豹舄危坐索狐裘

怕冷杯常執扶衰策屢投蒲園水木稼天遣阿誰憂

雪中歎

連綿春雪助凶年平地盈庭大可歎詞客罷吟梅散
漫園夫慚報竹平安烏齋腹餒飛穿屋牛馬毛寒病
倚欄天意欲添人殍野四時玉燭古來難

答裴弟

常棣成陰尉暮年因人春雪好長歎閉門終日詩頻

和伏枕盈旬病未安已遣携鋤移竹徑更思杖策整
花欄飽聞冰下游魚躍所恨雙溪一笑難

惜昔

跨馬春衢裊翠鞭垂綸圯下解魚舡霞飛綺散無踪
跡依舊清宵月在川

寄景盧時往豫章

聞得茶蘼語牡丹蜂回蝶散恨春殘西山拄笏晨光
爽北海空尊夜漏寒徐孺堂中同下榻滕王閣外久
憑欄歸來已失蘭亭集照眼榴花待細看

辛幼安稼軒

濟時方略蒲 胄卜築 城樂事重豈是求田謀萬

頃聊因學圃問三農高牙暫借藩維重燕寢未須歸
興濃且為君王開再造它年植杖得從容

盤洲文集卷第七